

BILAG

**Sulliviit inuussutissarsiutitut ingerlatat ilaat pillugit inatsisip
allangortinneqarneranut inatsisini assigiinngitsuni aalajangersakkat Kalaallit
Nunaannut atuutilersinneqarnerannut peqqussutip eqikkarnera****Eqikkaanerup imarisai**

1. Atuuffissaanik erseqqissaaneq
2. Suliffeqarfinnik ingerlatseriaatsit
3. Piginntuiusunik nalunaarsuineq
4. Aningaasaqarnikkut pinerluttuliortarneq
5. Akileraartussaannermi akiliinaveersaarnernut il. il. pitsaaliuilluni iliuusissat
6. Inunnut paasissutissanik illersuineq
7. Suaassutsit eqqarsaatigalugit aqutsisoqarnermi agguataarineq
8. Kukkunersiuisumik toqqaasarneq aammalu soraarsitsisarneq
9. Kukkunersiuisumik taarsiinermut atatillugu annertusisamik nalunaarutiginnittussaaneq
10. Suliffeqarfiit, siusinnerusukkut aningaasarsionernik ingerlataqarsimasut
11. Suliffeqarfinnik killilimmik akisussaaffilinnik (V.M.B.A.) A/S-inngortitsineq
12. Digitalimik attaveqartussaataaneq
13. Kontrolpakkeni

1. Atuuffissaanik erseqqissaaneq

Ingerlatseqatigiiffiit pillugit inatsimmik allaqqiinerup kingunerisaatut matumunnga inatsimmut suliaasaqarfiit atuuffiusussat erseqqissarneqarput. Erseqqissaaneq eqqartuussisaatsimik atuuttumik allagangortiterineruvoq. Kommanditselskabinut assigiinngitsunik annertussusilinnik akisussaaffeqarlutik piginneqatigiiffiusunut isumasiuut erseqqissarneqarpoq, ingerlatseqatigiiffiillu pillugit inatsimmi isumasiuut allangortinneqarluni imaalillugu, kommanditselskabit pillugit isumasiuummik ataasiinnarmik peqalernissaq siunertaralugu, maanna matumani inatsimmi isumasiuummut innersuussinngorlugu.

Inatsimmut ilaatinneqartunut ingerltaeqatigiiffinnut akiliuteqarsimanermut suliffeqarfiulluunniit aningaasaataanut naleqqiullugit taasinernik aammalu sinneqartoorutiniq agguasaasoaqqusaannginnera, toqqaannartumik inatsimmi allassimanngimmat, suliarinninnermi tamanna nalornisitsilersimavoq. Inatsimmut ilaatinneqartuni suliffeqarfinni taarseraattumik peqataaffigineqartunut periarfissaqarnissaa pillugu piumasaqaammut taamatuttaaq atuuppoq. Taamaattumik tamatuma erseqqissarneratigut, eqqartuussisaaseq atuuttoq allagangortinneqarpoq.

Nalunaarutiginnittarnissamut aamma nalunaarsuisarnissamut, ingerlatseqatigiiffinnut eqqartuussisaatsimi inatsisini sapinngisamik maleruagassanik assigiinnik pilersitsinissaq siunertaralugu, ingerlatseqatigiiffiit pillugit inatsimmi kapitalimi naapertuuttumi allassimaneratut ersersillugu, kapitali 4-mik tamakkiisumik iluarsaassineq suliarineqarpoq.

2. Suliffeqarfinnik ingerlatseriaatsit

Suliffeqarfiit killilimmik akisussaaffillit (SMBA) misissoqqissaarneqarnerisa, ilaatigut takutippaat, suliffeqarfiit taamatut sanarfisat, allanit suliffeqarfinnit allatut ingerlanneqartunit sanilliunneqarsinnaasunit, akulikinnerusumik akiliisinnaajunnaartartut imaluunniit pinngitsaaliissummik atorunnaarsinneqartartut. Misissueqqissaarneq tamanna tunulequtaralugu maleruagassat imaalillugit allanngortinneqarput, ingerlatseqatigiiffiit killilimmik akisussaaffillit ingerlanneqartussat (SMBA)-tut pilersinneqarsinnaaneri siunissami periarfissaajunnaarsillugu. Taamaattoq suliffeqarfiit killilimmik akisussaaffillit sanaat pioreersut, Kalaallit Nunaannut atulersinneqarsimasoq inuussutissarsiutigalugu suliffeqarfiit pillugit inatsit naapertorlugu nalunaarsugaasut, ingerlareernermissut ingerlaannarsinnaassallutik.

Tamakkiisumik akisussaaffilimmik piginneqatigiiffiit piginnittunut killilimmik akisussaaffeqarfiusut (AMBA-at) aammalu peqatigiiffiit killilimmik akisussaaffillit (FMBA-at) suliffeqarfiit killilimmik akisussaaffillit (SMBA-at) atorunnaarsinneqarnerannit attorneqassanngillat.

3. Piginnittuiusunik nalunaarsuineq

Allannguineramik tamatuminnga suliffeqarfinnut piginnittuiusut pillugit paasissutissanik pissarsiarinninnissamut aammalu nalunaarsuinissamut pisussaaffimmik atulersitsisoqarpoq. Tamatuma saniatigut suliffeqarfiit minnerpaamik ukiumut ataasiarlutik paasissutissani nalunaarsukkani tamakkunani allanngortoqarsimanersoq misissortalissavaat. Taamatuttaaq suliffeqarfiup piginnittuinit paasissutissiinissamut pisussaaffik, piginnittut pillugit pissutsinut paasissutissanik, suliffeqarfiup, piginnittuiusunik kinaassusersiinissaanut pisariaqartunik, piginnittut suliffeqarfinnik pilersuinissaannik nassataqartoq, allannguinerup nassatarissavaa. Inuup piginnittuinngorneranik, imaluunniit piginnittuijunnaarneranik suliffeqarfiup ilisimannilernerata kingorna, paasissutissat piaarnerpaamik Erhvervsstyrelsenip it-kkut atortorissaarutaani nalunaarsorneqassapput. Piginnittuiusut pillugit paasissutissat tamanit pissarsiarineqarsinnaassapput.

Suliffeqarfinnik børsnotere-kkanik piginnittut ilaatinngit, piginnittuiusoq tassaavoq inuk, qulaaniit isigalugu piginneqataassutit ilaannik imaluunniit taasisinnaatitaassutininik naammattumik annertussusilinnik piginnittuiusoq imaluunniit nakkutiginnittuiusoq imaluunniit sakkut allat atorlugit nakkutilliisoq. Nalunaarsuiviup, piginnittuiusut nalunaarsorneqartarfiat, suliffeqarfiit ingerlanneqariaasiisa tunuanni kinaassutsiminnik toqqortuisinnaasunik pinerlunniartartunik paasiniaanissamut atugassatut, sullivinnik inuussutissarsiutit ingerlatanik piginnittuiusut pillugit paasissutissat eqqoqqissaartut nutartikkallu qulakkiissallugit siunertaraa.

Piginnittuisut nalunaarsorneqarnerat pillugu maleruagassat aallaavittut nassataraat, sullivinnik inuussutissarsiutit ingerlatanik pilersitsinissamut piginnittuiusunik nalunaarsuineq pisariaqarmat, soorlumi nalunaarsuinnginneq pinngitsaaliissummik atorunnaarsitsissutaasinnaasoq. Interessentskabinut aammalu kommanditselskabinut suliffeqarfiup nalunaarsorneqarnissaa suliffeqarfiup ingerlannissaanut piunasaqaataanngilaq, taamaallaalli suliffeqarfiit taamaattut

ukiumoortumik naatsorsuutiminnik tunniussinissamut pisussaaffeqarnerat malillugu nalunaarsuinerulluni.

4. Aningaasaqarnikkut pinerluttuliortarneq

Aningaasaqarnikkut ajornartorsiorneq aningaasaqarnikkut pinerluttuliornerit amerlassusaanni annertuumik qaffariaammik nassataqarsimavoq. Pingaartumik aningaasaqarnikkut ajornartorsiorneq malisukaannarlugu ilaatigut aningaasat nalinginik ukapaatitsiniaaneq, ilisimasani atonerluilluni akikinaarineq aammalu qularnaveeqqusiussaqarluni taarsigassarsinermi allagartanik iluanaarniutipiloqarneq pillugit pillaatissiinermik suliat annertuut suliaassaaqisullu pilerput. Tamatumunngalu peqatigitillugu inupiluit akornanni aaqqissuussamik aningaasaqarnikkut pinerluttuliorneq nalinginnaaqaluni.

Suliat suliaassartanikkaluttuinnarmata, suliallu amerlasuutigut nunanut allanut atassuteqarajummata, aningaasaqarnikkut pinerluttuliornerit pillugit suliat suliarineri unamminiagassanik annertuunik nassataqarput. Unamminiagassat tamakku kinguneraat, aningaasaqarnikkut pinerluttuliornerit pillugit suliat paasiniaruminaassinnaasut pillaatissiinissamullu malersuissutigiuminaallutik.

Pitsaaliuinissamut, pinerluttoqarsimaneranik misissuinissamut aammalu eqqartuussisulersuussinissamut piumasagaatinik pitsaanerpaanik qulakkeerisussat suliniutit arlallit naammassissallugit 2013-imi inatsisinik arlalinnik allannguinerup siunertarisimavaa. Inuussutissarsiornermi eqqartuussisarnermik suliaasaqarfimmi allannguneq isumaqarpoq Kalaallit Nunaanni ingerlatseqatigiiffiit pillugit inatsimmut atuuttumut assingusumik, sulliviit inuussutissarsiutitut ingerlatat pillugit inatsimmik aamma inuussutissarsiutinik ingerlatsisutut aningaasaateqarfiit pillugit inatsimmik unioqqutitsinermut pillagassaataaeranut, pisoqalisoorinissaanut piffissarititap ukiunik 2-niit ukiunut 5-inut sivitsorneqarnera.

Aningaasaqarnikut pinerluttuliortarnerit pissusaasa ilaat ilaannikkut aatsaat pinerluttuliortoqareernerata kingorna ukiut arlallit qaangiunnerini politiinit ilisimaneqalersarput. Suliffeqarfiup akiliisinnaajunnaarneranut atatillugu, kukkunersuiisumit naatsorsuutit misissorneqarneranni imaluunniit assigisaannik suliaqartoqarnerani, aatsaat unioqqutitsinerit amerlasuutigut qulaarneqartarput. Inuussutissarsiornermi eqqartuussisarnermik suliaasaqarfimmi, maleruagassat atuuttut malillugit pillaatissiisarnermut ukiut 2-t qaangiunneranni pisoqalisoorarnerani, pisoqalisoorinissamut piffissarititaasup naatsup, pissutinut, misilittakkat naapertorlugit aatsaat piffissap ingerlareerneragut paasineqartartunut, inunnik peqataasunik imaluunniit suliffeqarfinnik pillaatissiinissamut periarfissaqannginnera kingunerisinnaavaa.

Ukiunik 5-nik pisoqalisoorinissamut piffissarititaq imminut aningaasalersornermut (akileraarnikinnerunissaq siunertaralugu isertitat pissusiviginngisaannik nalunaarsuineranut) aamma unioqqutitsinikkut sallinngortitaanermut sulianik ilungersunartunik pillaatissiissutiginninnissamut periarfissanik pitsanngorsaavoq. Tamatumunnga aamma ilaavoq, maleruagassat sorliilluunniit pineqaralarpata, inuussutissarsiornermi eqqartuussisarnermik suliaasaqarfimmi pillaatissiinissamut eqqartuussisarnermut pisoqalisoorinissamut piffissarititap, assigiilernerannik allannguneq qulakkeerimmat.

5. Akileraartussaannermi akiliinaveersaarnernut il. il. pitsaaliulluni iliuusissat

Allannguummik, Kalaallit Nunaanni suliffeqarfimmik pilersitsinissaq imaluunniit ingerlatsinissaq sapernarnerulersinngikkaluarluni, akileraarnissamut akiliinaveersarnernut aammalu ingerlatseqatigiiffiit aamma akileraartarneq pillugu inatsisinik atornerluinissamut pitsaaliuisussat suliniutit arlallit naammassineqarput.

Kommanditselskabit suliffeqarfiillu allatut ingerlanneqartuusinnaasut inatsimmi maleruagassiugaasut, ullumikkut taamaallaat aningaasaatinik ingerlatseqatigiiffinnik ilaatitaqartumut, Det Offentlige Ejerregisterimut ilaatinneqarsinnaalernerannut inatsisitigut tunngavissamik pilersitsisoqarpoq. Ullumikkut paasissutissanik tamakku pillugit tamanut nalunaarutiginninnissamik pisussaaffeqanngitsuni suliffeqarfinni piginnittoqarnermik pissutsit pillugit tamanit takuneqarsinnaalernissaat qulakkeerneqassaaq. Kinaassutsimik isertuussilluni assersuutigalugu kommanditselskabimi piginnittuunissap siunissami periarfissaajunnaarnissaanut allanngui neq qulakkeerivoq – taamaattoq, piginnittuusunut nalunaarsuivimmuut naleqqiullugu, inatsimmut tunngavimmik atuiner mi marloriaammik nalunaarsuinaveersaartoqassaaq.

6. Inunnut paasissutissanik illersuineq

Det Centrale Personregisterimi (CPR) atermut- aamma najukkap sumiiffianik illersorneqarnermik nalunaarsortinnikkut aamma CVR-imi najukkamik sumiiffiannik illersorneqarsinnaassasut allanngui nerup nassataraa. CPR-imitut piffissami assingusumi CVR-imi illersuineq atuutissaaq. Najukat sumiiffi inik illersukat ingerlaavartumik CVR-imi nalunaarsugaassapput pisortanilu oqartussaasut ingerlaavartumik tamakkuninnga takunnissinnaassallutik. Inuinnaat atuisut, piumasagaammik pioreersumik imaluunniit allamik inatsisitigut soqutigisaqarnermi inik pigisaqarnermut uppernarsaasinnaasut, 75 kr.-nit tikillugit akitsuummik akiliinikkut kommunimi inik najukkap sumiinneranik illersugaasumik tunniussivigineqarsinnaapput. Aalajangersakkat nutaat malillugit aammattaq inuit CPR-normoqanngitsut, assersuutigalugu, kalaallit ingerlatseqatigiiffianni pisortaanertut nalunaarsortittoq allamioq, aamma CVR-imi najukkami illersugaanerani inik pisinnaaneranik qulakkeerisussanik maleruagassanik sukumi inerusunik aalajangersaasoqarsinnaavoq.

Inuit namminneq najukkap sumiiffi inik illersugaanngitsut, kingullermik CVR-imiittumut suliffeqarfimmuut inuup attuumassuteqarsimanerata kingorna, siunissami taamaallaat ukiuni tallimani nutarterneqartarnissaannik tamanullu saqqummiunneqartarnissaanik, allannguu t aammattaq nassataqarpoq. Tamatuma saniatigut pilerisaarut inik illersugaasut suliffeqarfiit pillugit CVR-imi paasissutissanik pissarsisinnaanerup ingerlatitseqqisinnaanerullu ajornaallisarnissaa siunertaralugu, ilaatigut pilerisaarut inik illersuineq pillugu maleruagassanik allannguisoqarpoq, aammalu, isertitanut nalunaarsuivimmiit sulisorisat amerlassusii pillugit CVR-datat tamanut saqqummiussinnaaneri pillugit akileraartarnermik oqartussaasunik isumaqateqarsinnaanermut piginnaatitsissuteqalerluni.

7. Suaassutsit eqqarsaatigalugit aqutsisoqarnermi agguataarineq

Suliffeqarfiit angisuut aqutsisu in i arnanik angutinillu assigi innerusumik agguataarinissaq qulakkiissallugu tamakku a maleruagassat nutaat siunertarivaat. Suliffeqarfiit annersaasa aqutsisoqarfimm in i suaassutsimut ik innerussuteqarfiusumut kisitsisinik anguniakkanik ikkussuissapput. Suliffeqarfiit aqutsisoqarfiisa sinnerini suaassutsip ik innerussuteqarfiusup amerlisarnissaanut politikimik suliaqarnissaat pillugu suliffeqarf innut pineqartunut aammattaq piumasagaateqarpoq.

Anguniakkatut kisitsisit aamma politikkerisat pillugit ukiumoortumik nalunaarusiortassasut

suliffeqarfiit peqquneqarput, aammalu maleruagassat naapertorlugit unioqutitsisunut imaluunniit nalunaarusiorsimangitsunut akiliisitsinermik pillaatissiineq atulersinneqarpoq. Suliffeqarfinnut angisuunut naatsorsuusioriaatsimi C-miittunut aammalu naatsorsuusioriaatsimi D-miittunut suliffeqarfinnut tamanut piumasaqaatit atuupput.

Naatsorsuusioriaatsimi C-miittut suliffeqarfiit angisuut tassaapput, suliffeqarfiit ukiumoortumik naatsorsuutit pillugit inatsimmi akunnattumik angissusilinnut suliffeqarfinnut annertussutsimut killiliussat pingasuusut ilaannik marlunnik qaangiisut. Tassa imaappoq katititsinermik oqimaaqatigiissitsineq 143 mio. kr.-iusoq, ilanngaatit peereerlugit kaaviiartitat 286 mio. kr.-iusut aammalu piffissaq tamakkerlugu agguaqatigiisillugu 250-inik sulisoqartut.

EU-mi/EØS-imi nunami maleruagassiugaasumi niuffaffimmi nioqutiginnissaannut immikkoortitanik pappialat nalilinnik pigisaqartunut suliffeqarfinnut kiisalu naalagaaffiup aktienik piginneqatigiiffiunut naatsorsuusioriaaseq D atuuppoq. Angissuseq apeqqutaatinnagu suliffeqarfiit tamakkua naatsorsuusioriaatsimi D-mi maleruagassanut imaqarnerusunut tamatigut ilaatinneqarput.

8. Kukkuersiuisumik toqqaasarneq aammalu soraarsitsisarneq

Allannguneq isumaqarpoq kukkuersiuisup qinigaanermut piffissarititaanut killiliussamik atuuttoqartoq, taamaalilluni suliffeqarfinnut tamanit soqutigisaqarfigineqartunut ataatsimeersuarnermi inatsisitigut pisussaaffiusoq kukkuersiuiineq pillugu kukkuersiuisussarsiorarneq ingerlanneqarpat, annerpaamik ukiuni 20-ni kukkuersiuisumik taassuminngarpiaq toqqaaqittoqarsinnaalluni, imaluunniit, ataatsimeersuarnermi ukiunik 10-nik piffissarititap qaangiunnerata kingorna minnerpaamik kukkuersiuisumik allamik ataatsimik kukkuersiuinermik suliaqaqataasussamik toqqaasoqarpat annerpaamik ukiuni 24-ni toqqaaqittoqarsinnaalluni.

Tamatuma saniatigut inatsisitigut pisussaaffiusutut kukkuersiuiunerup ingerlanneqarnissaa siunertaralugu kukkuersiuisumik toqqaanermi ataatsimeersuarnermi qinigassaqaarnissamik periarfissamik killiliinissamat inerteqqummik atuutilersitsisoqarpoq. Killilersuinerit pioreersut atuutilersitsinerup kingorna atuutissanngillat.

Tamatuma saniatigut tamanit soqutigisaqarfigineqartuni suliffeqarfinni kukkuersiuisunik tamatumunnga pissutsinik tunngavilersugaasunik peqquteqarpat eqqartuussinikkut soraarsitsisoqarsinnaavoq. Tamatumunnga aningaasaleeqataasoq ataaseq imaluunniit arlallit, kattullutik minnerpaamik 5 pct.-inik qinersinnaatitaasut imaluunniit aningaasaleeqataasut, eqqartuussinissamat eqqartuussisulersuussisinnaapput. Aammattaaq Erhvervsstyrelseni kukkuersiuisunut akuerisaasunut aamma kukkuersiuisutut suliffeqarfinnik nakkutilliinermik oqartussaasutut eqqartuussisulersuussisinnaavoq.

9. Kukkuersiuisumik taarsiinermut atatillugu annertusisamik nalunaarutiginnittussaataaneq

Malitassiat 8.-taani (2006/43/EF 17. maj 2006-imeersumi) piffissaanngitsumi kukkuersiuisumik taarsiinermut atatillugu annertusisamik nalunaarutussaataaneq pillugu piumasaqaat malillugu, sulliviit inuussutissarsiutitut ingerlatat ilaat pillugit inatsimmi aalajangersakkat attuumassutillit tulluarsarneqareerput. Allannguneq Kalaallit Nunaanni ingerlatseqatigiiffiit pillugit inatsimmi suliarineqareerpoq.

Tamatuma allannguinerup nassataraa, sulisussaaffiup naanera sioqqullugu kukkunersiuisoq tunuarpat imaluunniit soraarsitaappat Erhvervsstyrelsemi ilisimatissallugit kukkunersiuisoq aamma ingerlatseqatigiiffik pisussaaffeqalersut. Tamatumunnga peqatigitillugu, taassuma kukkunersiuisussamik toqqaasup, aamma kukkunersiuisumik soraarsitsisinnaanera pillugu, najoqqutassiaq aalajangerneqarpoq. Kukkunersiuisumik soraarsitsisinnaanep killilerneqarpoq imaalillugu tamatumunnga pissutsinik peqquteqarluni taamaallaat kukkunersiuisoq soraarsinneqarsinnaasoq.

10. Suliffeqarfiit, siusinnerusukkt aningaasarsiornermik ingerlataqarsimasut

Suliffeqarfinnik aningaasarsiornermik ingerlataqarsimasunik, kisiannili allangortiterinermut atatillugu aningaasarsiornermik ingerlatsinerminnik immikkoortumik namminersortumik aktienik piginneqatigiiffinngorlugu taarsiisimasunik, pisortanit nakkutilliineq pillugu maleruagassanik ikkussisoqarnikuuvoq.

Sulliviit inuussutissarsiutitut ingerlatat ilaat pillugit inatsimmut ilaatinneqartut suliffeqarfiit, nalinginnaasumik pisortat nakkutilliinerannut ilaatinneqanngillat. Taamaalilluni aallaavittut piginnittuusut taakkuupput aqutsisut ingerlatsinerannut atatillugu aalajangiisarnerannik naliliisartut aammalu aqutsisunik taarsiisariaqarsinnaasut. Taamaattoq suliffeqarfinnik aningaasarsiornermik ingerlataqarsimasunik allangortinneqarsimasunillu peqataasut – sulliviit inuussutissarsiutitut ingerlatat nalinginnaasut assiginagit – amerlasuutigut aqutsisunik nakkutilliisoqarnissamut killilimmik piumassuseqartarput.

Suliffeqarfiit tamakkua amerlasuutigut pisuussuterpasuaateqartarmata, suliffeqarfinnik tamakkuninnga nakkutilliisoqannginnera ajornartorsiutaasinnaavoq. Tamatumunnga peqatigitillugu isumannaatumik qularnaveeqquserluni taarsigassarsitsisarfiusimasuni peqataasut sunniutilimmik piginnittutut iliuuseqarnissamut aningaasatigit pissutissaqanngikkajuttarput. Peqataasut suliffeqarfimmi annikitsuinnarmik aningaasaliisimanerannik, taamaalillunilu suliffeqarfimmut aqutsisunullu piumasaqaateqarnissamut periarfissamik killiliisumik, tamanna peqquteqarsinnaavoq. Peqataasut piginnittuupput, pissutigalugu aningaasalersuinermik ingerlatseqatigiiffiup kiffartuussissutaanik atuisuugamik, pissutaananilu aningaasaliinikuugamik tamatumunngalu soqutigisaqaramik. Pisuni taama ittuni suliffeqarfiup aqutsisui taakkuupput suliffeqarfiup pisuussutaanik piviusumik aqutsisut. Peqataasut aningaasatigit pisinnaatitaaffiisa killeqarnerat pissutaalluni, suliffeqarfiit tamakkua pisut ilaatigit annertuumik aningaasaateqarfinnut assersuuneqarsinnaasarput.

Maleruagassat nutaat malillugit suliffeqarfiit aningaasarsiornermik ingerlataqarsimasut allangortinneqarsimasullu Erhvervsstyrelsenip nakkutigissavai. Nakkutilliineq, ilaatigit inuussutissarsiutinik ingerlatsisutut aningaasaateqarfinnik Erhvervsstyrelsenip ingerlateriigaanut nakkutilliineranut assingusoq, pineqarpoq. Taamaalilluni nakkutilliineq nutaaq, malittarisassanik allannguutinik akuersinermik, aalajangiinermik immikkut ittunik aammalu ataatsimeersuarnissamut imaluunniit assingusumik qullerpaanik ataatsimiititsinissamut, assersuutigalugu sinniisutut aallartitanik ataatsimiititsinissamut qaaqqusinissamut nakkutilliineranut oqartussaasut periarfissaannik ilaqassaaq. Matumani pineqarpoq inatsisitigit nakkutilliineq, nakkutilliineranut oqartussaasut ilaatigit misissortassallugit malittarisassat inatsisillu maleruarneqarnersut, taamaattumillu suliffeqarfiup ingerlatsinermi aalajangiisarneri nakkutilliineq pineqarnatik.

Pineqartut suliffeqarfiit aqutsinikkut inissitsiterneru pissutigalugit, ilaatillugu pingaartumik peqataasoqarmat piginnittut piginnaatitaaffilinnik, matumani pineqarpoq tamakkuninnga suliffeqarfinnik nakkutilliinissamut ilusilersugaq inuussutissarsiutinik ingerlatsisutut aningaasaateqarfinnut naleqqiullugu tulluarsagaasoq.

11. Suliffeqarfinnik killilimmik akisussaaffilinnik (V.M.B.A.) A/S-inngortitsineq

Siornatigut piginneqatigiiffik killilimmik akisussaaffilik (A.M.B.A) aktienik piginneqatigiiffinngortissallugu ingerlatseqatigiiffiit pillugit inatsit malillugu taamaallaat periarfissaqarpoq. Taamaattoq Erhvervsstyrelsenimi suleriaaseq malillugu aamma peqatigiiffik killilimmik akisussaaffilik (F.M.B.A) allanngortissallugu imaluunniit ingerlatseqatigiiffik killilimmik akisussaaffilik (S.M.B.A) A.M.B.A-anngortissallugu, tamatumalu kingorna taassuma A.M.B.A-p ingerlatseqatigiiffiit pillugit inatsit naapertorlugu aktienik piginneqatigiiffinngortissallugu periarfissaasimavoq. Allanngortitsineq tamanna piuminarnerulersinniarlugu, taamaalillunilu V.M.B.A., tassa A.M.B.A.-p saniatigut aamma F.M.B.A. aamma S.M.B.A., aktienik piginneqatigiiffinngortissinnaalerniarlugu, aalajangersagaq ikkunneqarpoq.

12. Digitalimik attaveqartussaataaneq

Suliffeqarfiit, innuttaasut aammalu pisortat akornanni allakkatigut attaveqatigiittarnerit digitalimik ingerlanneqartarnissaat pillugit piunarsaateqartoqarsinnaalersillugu inatsisitigut tunngavissamik ikkussisoqarpoq, Maleruagassat Den Fællesoffentlige Digitaliseringsstrategi 2011-2015-imik tunngaveqarput, ilaatigullu Kalaallit Nunaannut atulersinneqartumi piginneqatigiiffiit pillugit inatsimmi aammalu Kalaallit Nunaannut atulersinneqartumi inuussutissarsiutinut aningaasaateqarfiit pillugit inatsimmi assigiissillugit ikkunneqarlutik.

Digitalimik attaveqartussaataaneq piviunngortinnissaanut tunulequtaasoq, tassaavoq ilaatigut suliffeqarfiit pisortallu akornanni sukkanerusumik attaveqatigiittarnissap qulakkeernissaa pillugu kissaataanera, oqartussaasunit sukkaasumik sunniuteqarluartumillu kiffartuussineq aammalu suliffeqarfinni aammalu oqartussaasuni suleriaatsinik pitsaanerpaaffissarsiunneqarnera. Sungiusimaneqartut assaannarsuutit aammalu pappialarsornerujussuup peernerisigut suliffeqarfinni pisortaqaarfinnilu piffissamik isumalluutinillu pissarsiffiussaaq, aamma peqataasut akornanni attaveqatigiinneq eqaallisarneqassaaq, peqatigitillugulu suliffeqarfinni pisortaqaarfinnilu suleriaatsit pitsaanerpaaffissarsiunneqassallutik. Inuussutissarsiornermi nunarsuarmioqatigiileriartorneq qarasaasi allu silarsuaanni alliarartorneq siuariartorneq angumaffiginissai qulakkeerniarlugit digitalimik attaveqatigiinneq piunarsaataavoq.

Kalaallit Nunaannut atuutilersinneqartumut sulliviit inuussutissarsiutinut ingerlatat pillugit inatsimmut ilaatinneqartut suliffeqarfiit inuillu allanngummumut ilaatinneqarput. Inunnut pingaartumik pineqartup inuussutissarsiornernut pissutsit pillugit attaveqatigiittarnerit, tassa imaappoq pissutsit inuup inuussutissarsiornernik imaluunniit suliffeqarfimmi aqutsisunut ilaasortatut il.il. suliaqarneranut tunngasut pineqarput. Taamaalilluni inuussutissarsiornikkut suliaqarfimmi oqartussaasunik allakkatigut attaveqatigiittarnerit digitalimik ingerlasarnissaat aallaaviussaaq.

13. Kontrolpakkeni

Nakkutilliinikkut nukittorsaanikkut, soorlu ilaatigut piginneqatigiiffeqarnermi, aningaasaqarnikkut peqquserluttarnermut sukkanerusumik aamma tunaartaqarnerusumik iliuseqarnissamut aalajangersakkat nutaat periarfissiipput, sulliviit inuussutissarsiutitut ingerlatat ilaat aamma pineqartillugit. Allanguutitigut Erhvervsstyrelsenip kikkut suliffeqarfimmik aqutsisuiuneranik, nunami allamiut pisortanut ilaasortaasut kinaassusaat pillugu uppenarsarneqarnissaannik piomasaqarnikkut aamma suliffeqarfiup najugarivigisaa pillugu anisussatigut nakkutilliinera nukittorsarneqassaaq.

Nalunaarutiginninnermut imaluunniit nalunaaruteqarnermut atatillugu pisunik arlariinnik nakkutilliineq aaqqissuulluagaasumik annerusumik digitalimik aaqqissuussinerit atorlugit ingerlanneqassaaq. Taamaattoq piginneqatigiiffinnut tunngasut nalunaarsorneqarneri inatsisunik malinninnikkut pinersut kingornatigut nakkutigineqarnissaat pisariaqartinneqassaaq, pisut tamakkerlugit nalunaarsuinnermut atatillugu qulaajarneqarsinnaanngimmata. Kingornatigut nakkutilliineq mianersorfissaqarpoq, taamaaliornikkut pisariaqanngitsumik nakkutilliineq sapinngisamik pinngitsoortinneqassammat. Mianersortumik nakkutilliinerup malitsigivaa, nakkutilliinerup aningaasaatinik piginneqatigiiffinnut aamma inunnut sammitinneqarnera, tassani kukkusoqarsinnaanera kukkunerillu kingunerisinnaasaat annerpaamik mianersuutassaammata. Kukkusoqarsinnaanera uaniimmat, aningaasaatinik piginneqatigiiffiit imaluunniit inuit pineqartut inatsisunik unioqqutitseratarsinnaanerat. Kukkunerit kingunerisinnaasaat eqqarsaatigalugit malitsiusut imaluunniit sunniutit akiligassaqarfinnut, attartortitsisunut aamma aningaasaliisunut tassaapput sunniuteqarsinnaasut. Malittarisassanik taakkuninnga nutaanik Erhvervsstyrelseni pitsaanerusunik tunngavissaqassaaq kinguneqarluartumik unioqqutitsinerit iliuseqarfiginissaannut, qulaajarneqartunik datat tunngavigalugit maskiinat namminneertumik ilinniarnersigut aamma silassorissutaasaliat atorlugit misissuinikkut.